

مدیر: ابن السری
احمد جودت

مؤسس: ابن السری
مصطفی نامق

آسیان

ادبی، علمی، سیاسی، اجتماعی، فنی، اخلاقی هفته‌لق مجموعه در.

پنجشنبه

ایکدینی جلد

نومرو ۲۲

برنجی سنه

۱۹ محرم ۱۳۲۷

۲۹ کانون ثانی ۱۳۲۴

مندرجات

ماضی و آتی سعید حکمت	کیجه لر ا. جودتی
فرقتده جناب شهاب الدین	تخفه محمد مصطفی نامق
امام غزالی ابن حازم فرید	عفو مشتاق
افانلر محمد عاصم	


استانبول

محل اداره سی: جفال اوغلنده اداره مخصوصه

جفال اوغلنده ایاصوفیه جاده سنده: «مطبعة خیریه وشرکائی»

۱۳۲۴





حسین بك
اپی، ایشه ده یارار، یازدقلری نی هپ اساسلی تحقیقات اوزرینه یازار
جعفر اغا
او یله اولمی که یازدقلری شی دن بر نتیجه چیقسون
حسین بك
صادقدر، صادق. جداً جانیه، باشیه چایشور. آی دها اوتوره جقمی یز؟
جعفر اغا
شو چوجخی ده کوره لمده... کیده رز
حسین بك
بو کونکی ایشلر من، یاپدقلر من اییجه خاطر کدیا؟
جعفر اغا
مراق ایتمه، اونو تمام

دردنجی مجلس

— حسین بك، جعفر اغا، حق بك، صلاح الدین بك —

حق بك

« بروض احترامکارانه ایله »

مخدوم کوله کنز، صلاح الدین قولکنز.

حسین بك

ماشاءاه بیومشلم.. کل باقهیم، بك اوغلم

« صلاح الدين اوزاقدن خفيف بر سلام و برد کدن صکره صفوق بر وضعيته صنداليه به
اوتورر. مسافر لر تعجبله، حقی بك حدتله باقار لر.»

جعفر اضا

های کیدی های، قوجه مان آدم اولمش، نصل ینه سرکه جیده صوجق
شکری ایستیه جکمیسک « صلاح الدين اوکته باقار » هیچ اونو تمام بر رمضان
کوتی اوروچ کیفی، سرکیده کزیوردم. صیقلدم یول یوق. دستور دیدم
آلدران اولدی. صکره بوکا راست کلدیم. بك باباسنك الیسندن طوتیشیدی،
های کیدی، یاراماز، کلخانی

حسین بك

مکتبی نه زمان بیتریورسك اوغلم؟

صلاح الدين

باقالوریامی، افندم، یازه ویره جکم.

حسین بك

یوق، اونی صورمیورم اوغلم! مکتبی نه زمان اكمال ایدیورسكز؟

صلاح الدين

عرض ایتدم. افندم، باقالوریامی بویاز ویریورم. معلوم عالیکز باشلیه
اولاق ایچون باقالوریا صوك امتحاندر.

حسین بك

اوراسی اولیه، آی مکتبی بیتردیلن نره سنی آرزو ایدیورسكز. شهر
اماتی مجاسیمی اولسون جمعیت رسومیه می؟ بکا قالورسه شهر اماتی دهاماسب.
اوراده بزدن کیمسه ده یوق. چابوق تفیض ایدرسك.

صلاح الدين

شی افندم...

حسین بك « کوله رك »

اوغلم اعتراض ایتیه، مطابقا شورای دولت اوله جق دکل یا! هم اوراده
معاش ده چیقماز... مکتبده ظالما بر قاچ ارقداشکه امر نده. اماپی، بوکوره نك ده
بزده اپی ترقیه سبب اولیور... اونلر باشقه... باق ابوالهدی افندی حضرلرینك
مخدومی بیله جمعیت رسومیه ده... ابوالهدی افندی که...

جعفر اڃا

اويله، اويله. بك افنديني چوق طوغري بيورييورلر. چالينجه هرشي
اولنور هپسي بردن اولماز يا؛ ياوروم
« حق بك حدتله اطرافنه باقينور »

صلاح الدين

« جسارتله طوبلانهرق »

يوق افندم، بنده كز قطعياً مأمور اولمق نيتنده دكلمده...

جعفر اڃا

« قهقهه ايله كولهرك »

بو چوجق عقتاني مي بوزمش نه دركه؟ توبه، توبه... مأمور اولميوبده
نه يابه جقسك؟

صلاح الدين

تجار اوله جقم...

حسين بك « تبسمله »

يوق، يوق دها بك طوي، عقتي ايرسه سويابه مز... بر آز وقت چكسون
اوده عقتالانور « صلاح الدينه » پكي ياوروم، پكي انشاء سنكده كوزل بريره
قايرلماقنكه الدن كلديكي قدر چالشيرز.

صلاح الدين

بنده كز اويله...

« حق بكك شدتلي بر نظري اوزرينه اوطه دن فيرلار... حق بك حدت وعصيت
ايله اطرافه كوز كزديرر »

بسنجي مجلس

— حسين بك، جعفر اڃا، حق بك —

حسين بك

حق بك! تحفسكرز كر چك... سزده بوچوجفك لقرديلرينه بني اهميت
رييور ظن ايد يورده مي صيقلسيورسكرز. آيول بز، اويله لرندن قاچ دانه لرنيك

بن بویله یایارم بن شوپله ایدرم دیه قوصقوصلرندن صوکره دورولدقلرینی ،
 یالواردقلرینی کوردک . . چوجغه صاقین بونک ایچون چیقیشیم نلن دیمه
 کوجه نیرم باه .

حقى بك

امان افندم . باش اوسته افندم .

حسین بك

یوق اما ، بک سوزویر .

حقى بك

آرق ، ولی نعمتک بوقدر برسوزینی ده طوتمازی یم ؟ !

جعفر اضا

چوجق ، چوجق اولسه اوپله دیرمیدی ؟ « ساعتی چیقارتوب باقهرق »
 بك افندی ! وقتده کیکیکور نه زمان کیده جکز .

حسین بك

اوت ، اوت ، قاقهلم .

حقى بك

برقهویه ده اقبال بیورلمازی ؟

جعفر اضا

یوق ، دورسون ، باشقه زمان ایجهرز .

« حقى بك ذيله دوقونور ، برقچ اوشاق کیر ، قاپولری آچارلر ، مسافرلرک پالطولری
 کیدیریلور ، چقارلر . . براوشاق اورتهلنی طوبلار »

حقى بك

« دیشاریدن دوغرو سسی ایشیدیلور »

احیا بیوردیکز ، بوراسی فقیرک دکل ! افندیلمک . اه عمرلر ویرسون .

النتجى مجلس

— حقى بك ، صلاح الدين —

حقى بك

« کزینهرک »

اوف ، بو دیوانه اوغلان بی حد تمدن چیلدیرته جق . . بریرمه برشی
اوله جق دیه قورقیورم . . بک افندی ، ایاغمزه قدر کلسون ، کنديسینه التفات
ایتسونده حیوان ، یزید ، لعین قدرینی بیلمسون . . بو حاللارینی کوریه یورمده
اوغلم دکل دیه جکم کلیور . . شو اوغلانی کبرتمه دن بردرلو ایدمه جکم .
افندم ، اونه درلو جواب ویریش لاقردی بی آدجغزک آغزینه طیقاییوردی .
بر تربیه سزک ایتمه دیه بن اوکا اوقدر تنبیهده ایتشدم . . دها شمدی اوطه یه
کتیرکن . . « باغیره رق » صلاح الدین ! اوغلان کل بورایه ! نه تربیه سزک ،
نه تربیه سزک . . آدجغزیا کوجندی ایسه بن نه یاپارم . . بو ادب سز اوغلان ؛ هم
نم محویه ، همده کندی محوینه یورویه جک . . صلاح الدین ! صلاح الدین !
نه ایسه کبک افندی کبار نازک برذاتدر . هیچ اهمیت ویرمدی . همده کنديسینه
برشی سویله مه مکلمکی تنبیه نزا کتنده بولندی ، اما ، تحمل قابلمی ؟ . .

صلاح الدین

« یردک »

بی می چاغیر یوردیکز بک بابا ؟ .

حق بک

« اوزرینه یورویه رک »

سنی چاغیرمه جقمده کیمی چاغیره جقم ؛ ایکی ساعتدر باغیر یورم نروده سک ؟
اوغلان ، خنزیر ، لعین اوایتدی کک ادب سزک ، نه ایدی ، تربیه سز ! او کنديسینه
حیوانجه معاملهده بولندی ک ذات کیمدر بیایورمیسک ؟ بزم سبب حیاتمز ،
عائله مزک باعث سعادت ، دکل یالکز بزم برچوق کشیلرک ولی نعمتی بیوک
برذاتدر .

صلاح الدین

« صغوق قانلیغله »

ا کلایه میورم ، نه دیمک ایسته یورسکز . ؟

حق بک

یازنق امکرمه ! سن اولادم اوله جگه برکویک یاوروسی اوغلم اوله یدی . . .
هیچ بیوک آدم لر قارش ی اوله حرمتده ، رعایتده قصور ایدیا ییرمی ؟ باق بن
نصل داورانیورم .

صلاح الدین

برقصوری یاپدم ،

حقى بك

برده صوريور، دها نه ياپه جقسك؟ خنزير، هيچ بك افندى حضرتلرينك
ياننه اوپله مى كيريلور ؟ !

صلاح الدین

اوطهيه كيرديكمده سلامى ويرمدم ؟ اوتوردنم زمان آرقه مى مى دوندم ؟
بكا لا قيردى سويلرلر كن ديكله مه من لىكى ايتدم ؟ اداب معاشرته مغاير نه كى بر
حر كتمده بولندم ! ظن ايدرسهم اتيكت ده بر قصورم يوقدى . .

حقى بك

« آياغنى يره اورده رق »

بوديوانه بنى ده كنديسى كى چيلديرته جق ، يوق اونلرى ده ياپميوپ اوبيوك
زالمره ، اومالاك شاهانه نك ، دولت عليه نك اك معظم ، اك اساسلى اركانه برر
طوقات آتوب قاپودن ديشارى فيرلاتيويره ايدك ؟

صلاح الدین

پكى 'كلا تىكز قصورلرم اوقدر بيوكمى ؟ . . . نه ايسه سويله يك ده نصحيح
ايدهم ، بردها ياپمايه يم . .

حقى بك

هرشى اولوب بيتد كدن ، بنى محو ايتد كدن صكرده مى ؟ بر كره ايچرى كيروب
اصول و اداب ايله ال ، اتك اوپهرك ديوان دورمق نردهده ؟ آز قالدى ، آدمك
النى صيقه جقدك . كوچك بك كنديسى آدم حسابنه قويورده اوتور بيله ديمه دن
برقولتوخه قورولولويور .

صلاح الدین

بك بابا ! دوغراسنى ايسترميسكز ؟ سزك بو حريفلره نيچون بو قدر اهميت
ويرديككزه بر درلو عقلم ايرميور .

حقى بك

باق ، شوسرسك سويلديكنه ! ارنلر بزي انزدن طوتوب چاموردن

چیقار تماسه ایدیلر بز هیمز دیله نیردک . یدیکمز ، ایچدیگمز اونلرک سایه .
سندهدر . کافر نعمت !

صلاح الدین

نیچون دیلنه جگمشز ؟ چالیشور چبالار اککمزی چیقار یردق . بلسکه
میشتمز بودرجه منتظم اولمازدی . . فقط دیلنمزدک . . هم بن بویله آدنی
یازماسنی بیلمیان حسین اغا ، جعفر اغا کروهندن خذله یه تبصص ایدم جگم یرده
دیلنمکی ترجیح ایدرم سزک کی عادتاً تعبد .

حق بک

باق بدلا ، حدینی بیلمه دن ولی نعمت بک افندیلر من حقننده نه درلو اطاله
نسانده بولنیور ؟ دهها حاضر بیورسک ده کچمک نه اولدانی بیامیورسک .

صلاح الدین

فضله سنه عقم ایرمیور . بن بویله موندن برتربیه کوردیم . هرکسه بویله
معامله ایدرم . نی بو قدر تعزیر کره سبب ، هپ بو اتک اویمیه رک ، برسلام
ویرشم ، کندی کندییه برکوشه یه بوزولوشم میدر ؟

حق بک

یا ، او آخضر نلرینک التفاتلری ، بک افندی حضر تلرینک توجهلری اوزرینه
ویردی بک اوصفوق قورو جوابلر ؛ هله اومأمور اولیه جغم دیمک کبی
برکستاخلقده بولونوشک ؛ بونلر ، بونلر یوقی نی چیلدیرته جق

صلاح الدین

پکی ، اوشایان احترام دیدیککز آدماره قارشى یالانی سویلیهیم ؟

حق بک

وای مأمور اولیوب ده نه خاط ایدم جگسک ؟ کوچک بکم ، بک افندی
دها مکتبدن چیقار چیقماز سکا جمعیت رسومیه اعضائنی ، شهر اماتی مجاسی
اعضائنی کبی دواتک مهم ، معتا مأموریتلرینی تکلیف ایتدی . وکلزادملر
اومأموریتلری بیکلرجه ال اتک اوپوب بوله میورلر ، بوتوجهه ، بواطفه قارشى
ایاق بیله اوپمک آز ایکن رد ایتک کستاخلقده بولندک .

صلاح الدین

يوق ، برآزدها، ايلرى كيدكده اوسىزك جكرى بش ياره ايتىز آغالريكرى
بكا معبود آتخا ايتديرك .

حقى بك

اوسىك بكنمديكك مأمورىتلرده قازانه جفك پاره يى عجب تىجارتله

صلاح الدين

يوق بكنمه مك دكل . . . اويله بر مأمورىته كچمك ايچون بنده اقتدار
ولياقت نرده ؟

حقى بك

باق بدلايه ! . . . قوجه بر مملكتده هيچ كيمسه نك دوشونمديكى اياقى
وچك بكم آرايور. اولوملى دنياده نه كلاه قاپه بيايرايسهك كاردرد ديمورده
هم اوولى نعمت سكا يكدن اولى ثانىسى رتبه سى ده ياپديرمجق. كوكسك قوللرك
بتون صرمه لر كينه جكسك .

صلاح الدين

هله او ، بكا رتبه ديديكى كىز عاديلىكلرى اورتمكدن باشته بر شيه ياراميان
دوزكونده لزوم يوق ، اوصرمه لرده سىزك اواسون .

حقى بك

هله شو نانكوره باق « اوتوردق » بو قدر استغنا ايله كنديكى نه ظن
ايدىبورسك؟ آسرسم ،

صلاح الدين

افندم ، سوزك قيصه سى ، بن حكومت مأمورىتى دنيلان اوچيركىن كردابه
كنديكى آتق ايسته ميورم .. آلنك ترياه ، ناموسمله اككمى قازاتق ايستميورم

حقى بك

مأمور اولانلر ، آلنك ترياه اككمى چيقارميورمى ؟

صلاح الدين

برچوق آچلرك كوزى ديكلمش ، ملتك كيسه سنه لى اوزاتق ايسته ميورم .
بو قدر زماندر ملتك ، وطنك پاردسيه بساندك يتيشير . كندى پاردمله ،
كندى سعيمك محصوايله كچينه رك ، ياشايه جقم . چالهرق ، چيرهرق ملتك ثروتى

تقيص دكل، اوكا ولو كوچك بر جزؤ دلاوه ايتك ايسته يورم. سزى، همىزى
بو قدر سندر ملتك بسله ديكى تيشير .

حقى بك

ملت ، وطن ديديكك كيم اوليور . بىزى مات ، نلان دكل ولى نعمتمىز
بادشاهمىز بسليور .

صلاح الدين

بابا ! سنده چوقق كى اوليورسك . بوكون خزينه دن برچوق مأمورىن
دويوروليور اما نصل بيليورميسك ؟ كويلرده نقرانك تارلاسى ، او كوزى ،
تيرپانى ، صپانى ، تجربه سى ، قازانى صاتيلاق طوپلانيلان ، غصب ايديلان
پارده لر ، او زواللىرك قانندن اميان ، چالينان ، ويركو ناميله قوپارتيلان پارچه لر
ماليه دنيلان بيوك بر سكه نده يوغوروليور . صوكره اوكا كوزىنى ديكمش بر
چوق كيمسه لر پارچه پارچه داغيديليور . بو پارچه لر كى بيوكلى كى زياده
طوق اولمى لازم كلنلره ، بر قاچ كشى به ويريليور . اوقق پارچه لرده برچوق
آدملر طرفدن قابيشيليور . بو بيوك پارچه لرله كوچك پارچه لر آلا نلر كيملر
بيليورميسكن ؟ بيوكلى وكلا دنيلان ، سراى خلقى تشكيل ايدن بر سورو آج
چيدودلره ماكل اوليور . كوچك پارچه لرده ، آله جنى اوچ ، بش يوز غروشه
كوزىنى ديكمش ، فضله سندن اميدى كشمش بر طاقم عجزه مأمورىنك اككمكى
اورته به كتيبيور . ايسته بن نه او ملتى صويان اشقيادن ، نده بر قاچ غروشه
آغزىنى آچش ضعفادن اولق ايسترم ، چاليشه جنى ، چبالايه جنى ، اككمكى
طاشدن چيقاره جنى .

حقى بك

شونك زورىنه باق ، مأمور اولانلر چاليشميورمى ؟

صلاح الدين

اوت چاليشيور ، برىرىنك آياغنه قارپوز قابوغى قويمق ايچون ، منحل
وقوعى بكليهره ، نه زمان اوله جكلرىنى استفسار ايدر كى يكديكرىنك كوزلرىنك
ايچنه باقهرق چاليشيورلر . كونده اوچ درت ساعتلىرى قلم او طه سنده كچيرمكى
ياخود دها بيوك مقياسده طوته لم ، نظارت ماصه سنده ، مجلس خاصده اوتورمى

قهوه، سیغاره، شربت ایچمکی ایشدن صایورلر، بر چفتهچینک، بر فابریقه-
طورک، اک عادی بر تيجار کاتبنک چالیشمسیله بونلر براوله بیلورمی؟ بزده تشبث
شخصی هیچ دوشونیلور.

حقى بك

دور، دور، بن بوتعیری...

صلاح الدین

ملتک سفالته سبب، هپ هر کسک مأمور اولوب هیچ کندی کندیینه ایش
کورمکی دوشونه ماملری هپ بر حمایهیه محتاج اولملری دکلی؟ بن کندی
حسابمه ملته یوک اولیه جنم. ملتی هیچ اولمازسه کندی یوکدن، بنم اوکا
ویره جکم زحمتدن، اذیتدن، قورتاره جنم. هر کس کی دولتک ذاتاً پورصومش
قولنه برسولوک کی اصلحق ایسته میورم. هیچ کیسه دیمیورکه کیدهیم بر
دکان آچیم... انکلتنه نك اسبابی ترقیسی بر کره دوشونیلورمی؟

حقى بك

هاه، تمام شمدی بولدم، بن بولافلری داییکدن ده دیکلردم. یوقسه کندی
بویله اساسسز تصورلرله محو ایتش، اوروپاده شمدی قوندره بویاجیغیله می،
قهوه جی چراقغیله می کیم بیلیر نه ایله مشغول اولان اویزید ایله مخابرده می
بولمیورسک؟... ایش شمدی پاتلاق ویردی.

صلاح الدین

اونلری استانبولدن، منفالردن قاچمغه مجبور ایدن حمیت هیچ بر زمان
قوندره بویاجیغی، قهوه جی چراقغی ایتلرینه مساعده ایتمز. اوراده او یله
صاحب ثروت ارباب حمیت وارکه ثروتلری بویولده محو، محو دکل ملته وطنپور،
حمیتی عنصر، اجزا یتشدیرمک کی اک خیرلی، اک مشر برایشده استعمال
ایدیورلر. بوکون جدی برزون طاوان اره سنده اوتورور، چالیشیر، چالار
بالکه اوکله یمکنی ییمز. فقط، دیلنمز.

حقى بك

زووالی! سنی ده قاندره مشر، دیمک اوخنزیرله ظن ایتدیکم کی، ظن دکل

کشفم کبی مخا برده بولنیورسک ، اه جانمی آله ایدی ده اوغامی بوفکرده
کورمیه ایدم .

صلاح الدین

البته صویمی صویمی اونوته جق دکلم یا ، اوندن کلن مکتوبلری حرص
ایله ، اوقویور ، یوالادینی ، شورای امت ، ترقی ، مشورت نسخهلرینی عادتاً
ازبرایورم

حقی بک

بن ده بردرلو دوشونوبده ، سنک بوقدر صاحجه لامه که سبب بوله میوردم .
مکر سن ده زهر لشمسک . زوالی ! ژوناکله ، اوپیس خسته لقله آشیلانمشسک !

صلاح الدین

بابا ! بابا !

حقی بک

حدتی ترک ابدییورم ، نصیحت صردسی کلدیکنی اکلا یورم . باری سنی
اوپیس عاتدن قورتاره بیاسه ایدم « متأثرانه » نه تدر اولسه اولادمسک ،
وجودمک برجزوئیسک . . دایک اوله جق بدلا ، برکره برچوجقلقدر ایتدی .
طراباسه سورولمشیدی . . بن اونی اورادن الدیرتمی ایچون اوغراشیوردم . .
برده ایشیدلیدی که پارسه قاچیش . اونی اوصالاندیرمق ، یوله کتیرمک ایچون آزمی
اوغراشدق ، پاره کوندردک . . بدلا قبول ایتدی . شورای دولت مالکیه
دائره سی اعضائی کبی مهم برمأموریتی ده رد ایتدی . صوکره اوراده سفالتله
عمر سورویور . پشیمان اولمشدر اما ، ایش ایشدن کچدی .

صلاح الدین

اصلا !

حقی بک

باری ، برایش کورسه لر ، ایلك معصوم ، کناهسز چوجقلرینی باشدن
چیقارمق ، کندیلری کبی بدلا یتشدیرمک . آج ، سفیل سوروندیرمک .

صلاح الدین

بابا ! بابا ! آغزکی طویلا ! . اونلر وطنی ، ماق بیوک برمه لکدن ، عظیم

بربلیه دن قورتارمق ایچون حیاتلرینی، ناموسلارینی برلشدیره رک چالیشیورلر ..
سزک کبی، حتی هرکس کبی، بتون بوراده کیلر کبی، نه چکرلر سه کاردر دیه
ملتی صویغنه اوغراشمایورلر . نه قدر عادی اولدیغکزی باقک، غایت بسیط بر
مثالله اکلاییم ..

حقى بك

« جتله »

ادبى سزك ايدىيورسك !

صلاح الدين

آدینی سویله مكدن استكراه ايتديكم بعض جهتلردن آلدیغك خصوصى
مخصصاتله معاشك ایکی یور ایرای بولدیغی حالده بنی مکتب ساطانییه فقرا
ترتیبندن، بورس اصولیه، اراده سنی استحصال ایتدیره رک محاناً قیدایتدیره رک،
بنی اوراده باد هوا اوقوتدیره رک، بونی یایمقله بر کره بنم یرمه کیره جک، حقیقه
فقرا برچوجك تحصیلنه مانع اولدك ... برکرده ده بنم تحصیلمه ویره جك
پاره نی کیم بیایر نه کبی خصوصاتده استعمال ایتدك ... یالانحیق ده جابا ...
نه چاره که بابامسك ..

حقى بك

بر فقرا یی دیکده خاطرمه کلدی .. سنن دایمکدن کن غزته لری
مکتبه کوتوریورمیسك .

صلاح الدين

اوت ، مکتبه کتوریورمی یم ؟ کیملره ویریورم ؟ اسملری نه در ؟
بابالری کیملردر ؟ دگی ؟ صوکره اونلری ژورنال ایدوب شمیدییه
قدر سوندوره سوندوره هر برنده بردرجه ترفیع ایتدیگکزر ، معاشکزی
آرتیدیفکزر ، عائله لرک عددینه بونلری ده دلاوه ایده جکسکزر دگی ؟ خایر
بن دها مکتبه کتورمدم . لیکن کتورجکم، هپسنى علناً اوقویه جتم ، هرکسی
ارشاد ایده جکم .. ملتی یولنده فدای حیات ایتکه حاضر لاش هیتی کنجلرک
عددیغی آتیره جتم .

حقى بك

تمام ، برده ، اونی یاپده ، یوره که ایندیر .. اللهم ! نه کونلر کوستردک ،
اولادکده کوتوسی هرشیدن برادمش . بن شمدی اوغرتیلری ده ، سنی ده محو
ایدرم .

« اوزرینه یورور ، دوکر ، باغیره رق »

سنی دوات خائنی ، پادشاه دشمنی کوپک سنی ! ...

صلاح الدین

اوت ، مأمور اولیه جفم ، ماقی صوییه جفم ، آلتک تزیله کچه جکم ، تجارت
ایده جکم ...

حقی بک

کیت کوپک ، دافع اول ، برباره بیله ویرم ، نره دن سرمایه بولوب نه ایله
تجارت ایده جکسک .

صلاح الدین

تجارت ایچون مطلقا سرمایه لازم دکل یا! اصل تجارت ده هنر سرمایه بی ده
یوقدن حاصل ایتمکدر . کیدر برتجار یاننه کاتب اولورم اوفق برایشپورطه
بولور کبریت صارارم .

یدنجی مجلس

--- حقی بک ، صلاح الدین ، صبیحه خانم ---

حقی بک

کیت کوزوم کورمسون ، ایت ؛ جهنمه قدر یولاک وار .

صبیحه خانم

« کیدرک »

نه او ایورسکز . ام عشقه ؛ ایچریده پاطریدین یوزکم اوینادی . قیزلر سلاماقده
قیامت قویور ، دیه خبر ویردیلر ...

صلاح الدین

اوت ، ایشته کیدیورم ، آلچاقدن ، الحق اکسی یمکدن قور بقی ایچون
کیدیورم .

صديحه خانم

صلاح الدين ! اوصل لاقردي؟ بابايه آغز آچق... «حق بك» نه وار اه
عشفه؟ بوكا بوكون نه اولدي؟ سزه قارشى بويله بر حرم سزلكنى...

حق بك

بيامم، چيلدير مشى نه در؟ بونلر برشى دكل، مأموريتي ده تحقير ايديور.
باب عاليده مأمور اواق، تنبلك، آلفاق در ديور.

صديحه خانم

تجارت، كندى كندينه اش كورمك، بزده نه اوزاق برخيال... هم بن
اولورمده اوغامى اصاف كورمك استهم .. رزق، تفيض تكميل مأموريتده..
مادام باب عالي بي بكنميور، مأموريت يالكنز باب عاليده كاتب ومدير اوافله
اوانز يا .. نه قدر خصوصى خدمتار وار كه هم راحت، هم استفادلى ... بونك
ايچون بابايه قارشى بك !..

حق بك

بنى بك اندى خضرلرينك يانندهده محجوب ايتدى

صديحه خانم

نه ! بك افندى به قارشى ده محجوب ايتك .. ياقيدشدير مازدم .. اكلاشيلان
التماس استهميور . چايشمه سنه كووه نيور . عجب اتجهار اولسه بيله بريره
اتسابسز برايش ياپيله بيابى كه ..

حق بك

هاى اه راضى اواسون، ايشته (...). زاده نك مالىه دن شوقدر بيك ليرا
آله جنى وار .. برشى ياپه ميور . اكر بر آرز يازيجاننى اواسه هم ناظرى عزل
ايتديرمك، هم پاردسى المى ايشدن بيله دكل

حق بك

بن اصل او خفيه لك لوته صاپلانماق ايچون مأمور اولماق ايتيورميا .

صلاح الدين

واى خفيه لىكه ده تحقير ايديور . نانكور كوزكه، ديزكه دورسون .
يديرديكم اكلك حرام اواسون . الحق اكر خفيه لك اولسه مملكت ايكي كونده
سك كى خانلر انده محو اولوردي .

سکزننجی مجلس

— حقى بك، صلاح الدين، صبيحه خانم، بر حرم اغاسى —

حرم اغاسى

« بردنبره كيدر ك »

اديب بك گلش، كوچك بكى كوره جك .

حقى بك

كوچك بك دده، اديب بك دده، یرك...

صبيحه خانم

هايدى بز چيقالمده ... مسافرى بورايه آسونلر « ياواشجه حقى بك »

سزده هر نه اولورسه بويله اوشاق متوله سى آدملىك ياننده ... هم باقك

بم سزده سويلايه جكم نه لر وار

« حقى بك حيزله، حدتله چيقار . صبيحه خانمده آرقه سندن كيدر »

طقوزنجى مجلس

صلاح الدين، اديب

— صلاح الدين —

« دولاشه رق، كندى كندينه »

قظامده قارمه قاريشيق .. اونكله ده شمدى قونوشه جغز بياهم كه ..

« حرم اغاسى اديب بكى اوطه يه كتبر .. چيقار »

اديب

بونئور صلاح !

صلاح الدين

صفا كلدك، اديب !

« برآز دولاشورلر »

اديب « اوتورده رق »

نه او، بر دورغو نالغك وار.

صلاح الدین

هوادن اولمی .

ادیب

یوق، هر حالده برشی وار کی ...

صلاح الدین

شی ... موفق اوله بیله جگمی یز، دیه قورقیورم

ادیب

اولکی فکر کده مصرسک یا ..

صلاح الدین

البت !

ادیب

پنک اعلا، اوله ایسه، دیکله .. نیمده مهم حوادلرم وار . ایشمزدده موفق
اولمی ایچون ائک مهم جهت افرادک تکشیری، برده احتیاطله حرکت دیکلی ..
بوکا نشانی بر کره نیت ایتدک دونلمز

صلاح الدین

طیعی !

ادیب

اولا فکر منی برادره آچدم . اوکا بیله امنیتسزلاک ایدرک، اصولمز
وجهله رهبر اوله رق یالکز کندی کوستردم [آرقداشلردن بری ایله ده
کوروشدک، دیدم . باقیورز . شو پارسده کی، مصرده کی، جنوراده کی بتون
قومیتلر بوقدر سنه در معطل قالدیلر . . برشی یاپه مدیلر . . بامکه یورولدیلر . .
بونکچون بز، بوراده کندی کندی مزه بفرقه تشکیل ایدوب حریت مملکتی
استرداد ایتک ایسته یورز . . بومقصد نائیت ایچون اساس پروغراممز برمناسب
کونده استبداده اولک آیق اولان باشلوجه وکلای، استبدادک ارکان اساسیه سی
بر برینه غایت یقین زمانده، همان عین ساعتده اولدیرمک . . . بو قاریشقلاق
ائناسنده ملتک حق مطالبی پادشاهه عرض ایتک .]

صلاح الدین

کوزل !

ادیب

دوشوندى .. [پك اعلا اما .. مهم و تهاكلى ، دیدی، بویله برمسئله نی
قورتارمق ایچون غایت دقت و احتیاطله حرکت ایتلی . بن بوبابده المذن کلان
خدمتده قصور ایتم . بویولده قائمی دوکمکدن چکنم . سزه لازم اولدینی قدر
ناموسلی، امنیتلی آرقداشده بولورم] دیدی . المذن اوپدی .. بونك اوزرینه
اودامه چکلدم . تعقیب ایدمك اوزره اوافق بر پروغرام قلمه آلدیم

« جینی آراشدیرر »

صلاح الدین

اللهم ! سن بزی موفق ایله .. کتیر شو پروغرامکی ده تدقیق ایدم

ادیب

« النده کی کاغذلی آراده بر قارشیدیررق »

باق، بن نصل برچاره دوشونیورم . برکون برجنازه وارايمش کبی برچوق
کشی کیزلیدن سلاحلی اوله رق ، بریمزك اوینك اوکنده طوپلانیرز . هیسیچ
نه دن شبه لیسله چك .. تابوت تکبیرلر ایچنده قالدقار .. تام باب عالی طریقیله
سرکه جیه ایترکن، .. باب عالی اوکنده دوریلور .. تابوته کی اولو قالدقار ..
بو، یا سن اولورسك یا ، بن ... سلاحیله آرقداشارینه جسارت ویرهرك
[بودورك مظالمندن، بو هیئت اداره نك تبدیلی لزومندن] بحث ایدرك شدتلی
مؤثر، برنطق ایراد ایدر . بونك ایچون طیبی مجلس خاص کونلرندن برنی انتخاب
ایدر .. باب عالی بی باصارز . اساس بو .. تفرعاتی ده ایستر ایسه ك برر برر او قویالم .

« صلاح اندین اطرافه عصی نظرلرله باقینور »

ادیب

نه او، نه باقینیورسك، برشیمی وار؟

صلاح الدین

برایسی کلور، لاقیردیلمیزی ایشیدیر دیه قورقیورمده .. ه-ایدی کل،

بنم اودامه کیده لمده راحتجه قونوشلم

« چیقارلر »

پرده

سعید حکمت